



UNIVERSITÄTS-
BIBLIOTHEK
PADERBORN

**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 8. Ex fratum colle ob eorum discordiam demigrat.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

netenses concordibus animis, qui cælesti dono mirè lœti sanctissimam ædem coniunctis studijs colere cœperunt. Auxit loci mutatio, nouique miraculi fama, vt admiracionem, sic religionem accolarum æque aduenarumque. Quippe, vt Lauretanam Aedem locum murasse, & relicto obnoxio grassatoribus saltu, tutum à latronibus, opportunum peregrinis occupasse collem distulit rumor; exemplo finitimis populis eius reuisenðæ cupidinem accedit. Proinde siue intermissam latrociniorum metu tanti boni usuram sarcire, siue nouam migrationem, quam auribus acceperant, oculis subiçere cupientes, eo summis vndique studijs conuolant. Horum plerique eandem ædem nuper in sylua coluerant, quam nunc in collis vertice extra syluam colunt. Quo maior omnes admiratio, & stupor defixos tenebat. Ergo facellum, & veteribus prodigiis, & mutatae denuo sedis miraculo venerabile, certatim accolæ votis, vocibusque celebrabant. Grates inde, & Deo, & Dei parenti pro se quisque agebant, quod religiosissimā sedem latrocinijs violatam non abstulissent alio, sed in tutto colle statuissent, opportuno aduenis loco. Porro crescente in dies peregrinorum multitudine, cœpit augeri quotidie celebritas Aedis: parietes votiuis tabellis, cereis imaginibus, preciosis vestibus contegi: ara congestis vndique donis, pecuniaque compleri. Sed aucta facelli opulentia imminuit religionem eorum, quorum studia maxime augere debuerat. Itaque auaritia breuiorem etiam, quam in sylua fecerat, auguſtissimi facelli stationem in colle fecit.

Ex fratribus colle ob eorum auaritiam, discordiamque demigrat. Cap. VIII.

ERATIS collis (vt supra demonstrauimus) communis duorum fratrum, qui primo sanctissimum domiciliū,

Prec. Tert.
Hier. Ang.

D haud

sig.

haud secus quam par erat, sancte, ac pie colebant. Felices si diuino munere ad cultum vti, quam abuti ad quæstū maluissent. Cæterum opulentioribus in dies donis religiosissimam ædem cumulari cum viderent; cupido angustos animos vicit: & religionem, pietatemque penitus extinxit. Namque hæreditatem sibi vterque venisse rati, sacro auro, argentoque inhiare primo: inde stimulante auritia, odio plusquam fraterno inter se dissidere cœperunt. Ad ultimum, dum vterque ad se emolumentum trahit, cū altercatione congressi, ab irarum certamine ad arma venire. Iamque haud procul erat, quin germani fratres se, augustissimamque Deiparæ cellam (adeo nihil sanctum auaritiæ est) fraterno cruce respergerent; cum Deus tantum facinus, sublata facinoris causa, præuertit. Ergo non minus fraternæ discordiæ, quam sylvestri latrocinio infensus, maternam domum ad iactum ferme sagittæ ab eo loco in proximum collem, versus mare submouit: atque in ipsa via militari, quæ ducit ad portum Recinetensem, locauit, à mari millia passuum circiter duo. Ita, & discordanterum, & latrociniorum materies adempta; ac stabilis aliquando, ac certa sedes capta. Stetit sacra Domus in colle fratrum paucos scilicet menses. constat quippe non dum vertente anno, post eius in Italiam aduentum, in eo colle, ubi nunc visitur, consedisse. Ita in agro Recinetensi ter intra anni viius spatium, siue accoliarum vitio, seu potius diuino consilio, sedem mutauit. Intra quinquennium vero post eius è Galilee discessum, quatuor loca suis vestigijs nobilitauit. Nec tamen mutatis locis religionem mutauit, sed magis, magisque auxit.

Vestigia locorum, quæ sancta Domus occupauit.

Cap. VIII.

Hier. Ang.

ET extant his omnibus locis hodie haud dubia rei argumenta. Nicolaus quippe Frangipanius (ut su

pra